

Be eus stiege d`Chöste vor Refuna ond vo de Sackgebühre
er Beiz em Poff stiege d`Priese au wäg de Mehrwärtsstüüre
es stiege d`Scholde vo Bond ond Kanton ond de Gmeinde das schwöri
s`einzig wo sed 2 Johr senkt das esch do de Böög vo Zöri

So en Chasper werd Bondesrotspresidänt ond die andere 6 gratuliere
als Dank duet er dene de e neus Velligervelo spändiere
wiso eis dervo 3 Pedale het wet de Stech Otti gärn erfahre
he met dem cha jetz seit der Ogi Dölf ä s`Ruhtli Dreifuss velofahre

En Spetzesportler muess doch en Usglich ha das esch onbestrette
dromm goht zom Biespel d`Martina Hingis er Freyztit gärn go ritte
de Romiger zor Familie hei s`Vreni duet z`Elm er Dameriege metmesche
ond der Alain Sutter de goht met sine Wörmer a d`Aare go fesche

De Theo Nadig ärgeret sech well sini Abfahrtsstaare
e dere Saison nor so tüend em Gaggo omefahre
dromm het de armi Tüfel jetz ber FIS dorebrenge welle

Kenned Sie d`Hauptstadt vo Frankrich d`Verchäufarin seit jo
denn gänd sie mer doch bitteschön 10 Iwohner dervo
drofabe frog`si wänd Sie die zom Chendermache verhebe
oder die wosi nach em abschläcke chönd of de Brief ue chläbe

De Granella met sim Heli chonnt de Dütsche Schmier ed Queri
ond seit wäg dem Falschgäld do düemmer eifach we wen nüt wäri
well das Gäld esch för en guete Zwäck ned öppe zom versoue
met dene Stötz chönd nähmli d`Riniker ehres Altersheim glich no boue

Ich ha e grossi Wuert en mer vom Chopf bes zo de Füscht
well du hesch mech Ueli Achermaa als Gmeindamme schwer entüsch
du hesch mer of die Fasnacht he ned eis Sujet offeriert
also eis das chader säge em Hueber wär das ned passiert

Die em Osserdorf wänd ombidengt d`Starchstromleitig versetze
chum esch die neu Variante doss düends em Ennerdorf s`Mässer wetze
i gseh dromm ei salamonischi Lösig nor wo för all wär akzeptabel
die einte nähme d`Maste ond die andere nähme s`Kabel

E Stei e Stei e Stei e Stei bigt`me vor em Schuelhus of d`Ärde
e Stei e Stei ond als esch gspannt was för en Bou das wohl werd wärde
e Stei e Stei e Stei e Stei s`het no velversprächend agfange
aber so wes det obe jetz usgseht send dene schiembar d`Stei usgange

Euses Fasnachtskomitee cha hür jubiliere
jo do gets för me nor eis ich tue gratuliere
ond nach 10 Johr düend er doch schoweder e neus Kostüm iweye
jä wo händ er au nor die Maschiene här wo so gschnäll cha neye

Senge get Dorscht i mögt dromm jetz e Schlock Fäldschlössli verträge
jo du ond apropos Schloss wasi no ha welle säge
ich hoff es wärd do kei Änderig geh es wär doch grosse scheisse
wen ofzmole do da Bier Tina Turner Bräu wörd heisse

Migro Coop ond Epa z`Brogg händ Chonde meh als gnue
deför goht fang e de Altstadt ond eis Gschäft nach em andere zue
de einzig Lade wo no rändiert e dere Altstadtmeile
vis-a-vis vom Eisi wie heisst`er jetzt ä he det wos Buesse verteile

Der Komedi⁹⁵

Wänd er me bsueche? Ich be dehei onder „www.komedi.ch“